



**Republika e Kosovës**  
*Republika Kosova - Republic of Kosovo*  
**Organi Shqyrtues i Prokurimit**  
*Telo Za Razmatranje Nabavke - Procurement Review Body*

Rr. "Migjeni" (ish Banka e Ljublanës), Kati V, Prishtinë 10000, Republika e Kosovës  
Tel: +383 (0)38 312 309 - Email: [oshp@rks-gov.net](mailto:oshp@rks-gov.net)

**OSHP 2024/0376**

**Data e Vendimit: 28.05.2024**

Në bazë të nenit 105 pika 1 dhe 2, të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, si dhe nenit 17 paragrafi 6 i Rregullores së punës së OSHP-së nr. 01/2020, pas shqyrtimit të ankesës së Operatorit Ekonomik "AMBIENTI" SH.P.K.. kundër njoftimit të kontratës dhe dosjes së tenderit lidhur me aktivitetin e prokurimit "119 Programi për ofrimin e shërbimeve të energjisë në ulje të shpenzimeve financiare në Komunën e Prishtinës SIPA UA 06 2021" me numër të prokurimit 616-24-3272-2-1-1, iniciuar nga autoriteti kontraktues (AK) –Komuna Prishtinës, ud. Kryesuesi i Sekretariatit të OSHP-së z. Agim Sheqiri me datën: 28.05.2024 mori këtë:

## VENDIM

**I. Hedhet si e palejuar**, ankesa e "AMBIENTI" SH.P.K.. me nr. të protokollit 2024/0376, e datës 29/04/2024, ankesë kjo e parashtruar për aktivitetin e prokurimit "119 Programi për ofrimin e shërbimeve të energjisë në ulje të shpenzimeve financiare në Komunën e Prishtinës SIPA UA 06 2021", me numër të prokurimit 616-24-3272-2-1-1, iniciuar nga autoriteti kontraktues (AK) –Komuna Prishtinë.

**II. I lejohet**, autoritetit kontraktues që të vazhdojë me tutje me aktivitetin e prokurimit "119 Programi për ofrimin e shërbimeve të energjisë në ulje të shpenzimeve financiare në Komunën e Prishtinës SIPA UA 06 2021" me numër të prokurimit 616-24-3272-2-1-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

## Arsyetim

*-Faktet dhe rrethanat procedurale-*

Në sistemin elektronik ankesa është paraqitur me datë 29.04.2024, lidhur me aktivitetin e prokurimit me titull: “119 Programi për ofrimin e shërbimeve të energjisë ne ulje te shpenzimeve financiare ne Komunën e Prishtinës SIPA UA 06 2021” me numër te prokurimit 616-24-3272-2-1-1, iniciuar nga “Komuna Prishtinë” në cilësinë e Autoriteti Kontraktues.

Me 04.04.2024,ë Komuna Prishtinës në cilësinë e Autoritetit Kontraktues ka publikuar B05 Njoftim për Kontratë, ku sipas këtij njoftimi afati kohor për pranimin e projekteve ka qenë data: 30.04.2024.

OE “AMBIENTI” SH.P.K.. me date 28.04.2024 ora 17:04 ka bere kërkesë për rishqyrtim pranë AK-së, ndërsa me date 29.04.2024 AK e ka hedhur poshtë si të pas afatshme kërkesën për rishqyrtim ne bazë te nenit 60.1 të Rregullores për Prokurim ublik.

*- Vlerësimi dhe administrimi i provave –*

Nga provat e prezantuara vërtetohet se për aktivitetin e prokurimit “119 Programi për ofrimin e shërbimeve të energjisë ne ulje te shpenzimeve financiare ne Komunën e Prishtinës SIPA UA 06 2021” me numër te prokurimit 616-24-3272-2-1-1, iniciuar nga Komuna e Prishtinës njoftimi për kontrate është publikuar në sistemin e prokurimi me date 04.04.2024, afati i fundit për pranim të tenderëve ka qenë data 30.04.2024,ndërsa me datë 28.04.2024 OE “AMBIENTI” SH.P.K. kishte bërë kërkesë për rishqyrtim pranë AK-se. Autoriteti Kontraktues me datën 29.04.2024 e ka e ka hedhur poshtë si te pas afatshme kërkesën për rishqyrtim në bazë të nenit 60.1 ë Rregullores për Prokurim Publik. Në rastin konkret hapja e ofertave sipas njoftimit për kontratë dhe dosjes së tenderit është e përcaktuar për datën 30.04.2024, që nënkupton se afati për të parashtruar kërkesën për rishqyrtim kundër njoftimit për kontratë dhe dosjes së tenderit afati ka përfunduar me datën 24.04.2024 nen ora 16:00, kësisoj konstaton se kërkesa për rishqyrtim është dorëzuar 4 ditë me vonesë dhe si e tillë është e pas afatshme.

Ankuesi ka qene i obliguar qe ne pajtim me paragrafin 3.1 te nenit 108/A te LPP-se, brenda afateve ligjore te parashtroj kërkesë për rishqyrtim ne AK dhe vetëm pas udhëheqjes se procedurave paraprake ne AK, Operatori ekonomik ne pajtim me nenin 109 te LPP-se do te mund ti drejtohet me ankese OSHP-se. Neni 108/A paragrafi 3.1 i LPP-se përcakton se operatori ekonomik ankues kërkesën për shqyrtim duhet te dorëztoj tek autoriteti përkatës kontraktues: “..ne qofte se shkelja e supozuar ka te beje me njoftimin e kontratës ose me dokumentet e tenderit brenda pese (5) ditëve para afatit te fundit për dorëzim te ofertave. Po ashtu, edhe neni 60.1 pika a) ne Rregulloren 001/2022 për Prokurim Publik përcakton se: Kurdo qe kërkesa për

rishqyrtim ka te beje me njoftimin e kontratës ose me dokumentet e tenderit se paku pese (5) dite para afatit te fundit për dorëzim te ofertave. Ne kalkulim te afateve kohore dita e dorëzimit te ofertave është dita (0). Ky afat nuk aplikohet ne rastet kur AK bën zgjatje te afatit te fundit për dorëzimin e ofertave pas vendimit për refuzim te kërkesës për rishqyrtim sipas nenit 63.1.1 te kësaj rregulloreje...". Andaj nga provat e prezantuara dhe rrjedha e këtij aktiviteti te prokurimit konstatohet se ankesa e parashtruar ne Organin Shqyrtues te Prokurimit me date 29/04/2024 nga OE "AMBIENTI" SH.P.K. për aktivitetin e prokurimit me titull: "119 Programi për ofrimin e shërbimeve të energjisë ne ulje te shpenzimeve financiare ne Komunën e Prishtinës SIPA UA 06 2021" me numër te prokurimit 616-24-3272-2-1-1, iniciuar nga Komuna e Prishtinës hedhet e palejuar sepse e njëjta nuk është parashtruar në pajtim me nenin 108/A te LPP-se si dhe nenin 60 par. I te Rregullores për Prokurim Publik. Po ashtu referuar interpretimit të KRPP-se te datës 07.11.2023, nr. 630/2023, i cili interpretim sqaron afatet ligjore për ankimim, konstatojmë se kjo ankese hedhet si e pa lejuar sepse ankuesi nuk ka parashtruar kërkesën për rishqyrtim brenda afateve ligjore kundër njoftimit te Autoritetit Kontraktues.

Megjithatë Organi Shqyrtues i Prokurimit sqaron se vetëm pas udhëheqjes se një procedure paraprake të rregullt dhe brenda afateve ligjore pranë AK, ankuesi mund ti drejtohet me ankesë OSHP-se. Si përfundim kjo ankese është ne kundërshtim me nenin 108/A, 109 dhe te Ligjit për Prokurim Publik, dhe nenit 60 të Rregullores 001/2022 për Prokurim Publik, dhe si e tille hedhet si e pa lejuar dhe nuk hynë ne shqyrtim nga OSHP. Megjithatë, OSHP gjithnjë niset nga rregullat, zgjidhjet dhe parimet e LPP sipas te cilit secili AK ushtron pavarësinë e tij/saj në kuptim të nenit 8 dhe 9 lidhur me planifikimin e prokurimit dhe parashikimin e nevojave, mirëpo kriteret e parapara gjithnjë duhet ta garantojnë barazinë e OE te cilët parashihen site tille edhe me DT e cila ne kuptim te nenit 27, lidhur me nenin 28, përben dokumentin kyç të prokurimit publik. Prandaj ne kuptim te nenit Neni 51 (Njoftimi i Kriterëve te Përzgjedhjes) te LPP, sipas te cilit të gjithë kriteret e përzgjedhjes duhet të kufizohen vetëm në kriteret e nevojshme për të siguruar se vetëm operatorët ekonomik që posedojnë aftësitë e nevojshme profesionale, financiare dhe teknike për ti përmbushur kushtet e kontratës përkatëse do të konsiderohen të kualifikuar për të marrë një kontratë të tille ose për marrjen e ftesës për tenderim. Dhe se, në asnjë rast, autoriteti kontraktues nuk duhet që të përfshijë, saktësojë ose përdorë kriteret e përzgjedhjes që bazohen në konsiderata të tjera përveç atyre të lejuara nga dispozitat e neneve 65-70 te këtij ligji.

Autoritetit kontraktues mund te vazhdoje me tutje me aktivitetin e prokurimit "119 Programi për ofrimin e shërbimeve të energjisë në ulje të shpenzimeve financiare në Komunën e Prishtinës SIPA UA 06 2021" me numër të prokurimit 616-24-3272-2-1-1, përkitazi me këtë ankesë, nëse nuk ka ndonjë ankesë tjetër për këtë aktivitet te prokurimit.

Ud..Kryesuesi i Sekretariati të OSHP-së, duke u bazuar në atë qe u tha si me lartë vendosi si në dispozitave të këtij vendimi.

**Këshillë juridike:**

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës Komerciale - Departamentit për çështje Administrative për anulim vendimi ne afat prej 30 ditësh nga data e pranimi te vendimit.

Vendimi t'i dorëzohet:

1x1 AK - Komuna Prishtinë

1x1 OE - "AMBIENTI" SH.P.K..

1x1 Arhives se OSHP-së;

Agim SHEQIRI

Ud. Kryesues i Sekretariatit të OSHP-së

